

練喙舌

甲：火車，漸漸咧起行，再會，我的……，欸！古錐兮哪會到今益無看見人咧？

乙：來了～！有緣、無緣，逐家來做伙……。

甲：哇！魔音傳腦，有影是金光砵砵滾，瑞氣無半條。來食胡蠅？

乙：無禮貌！

甲：無啦！來者何人？

乙：在下乃是「蟬看著歎瀾，蝦看著倒彈，虱目魚看著跳過岸，阿婆看著呖喙瀾」的海外散仙是也！

甲：原來是「舁蠓梓仔行雲頂」的先覺，失敬、失敬！

乙：免來些套，先共逐家問好一下！

甲：是！拳打南山猛虎，跤踢北海蛟龍，貧道武功蓋天下，會喘氣的攏毋是我的對手！在下 XX。

乙：嗯！南山猛虎牽咧行，北海蛟龍無算啥，我的對手攏膾喘氣矣！不才 XX。

合：上臺行禮。

甲：古錐兮，是按怎慢到？

乙：慢到較好無來，人稱「慢到教主」就是我。

甲：「萬教」的教主？毋就耶穌、釋迦、阿拉、媽祖、觀世音總齊拜？

乙：毋是！我若到，無人會比我佻較慢來！

甲：算作是來送客的齁！？

乙：無剉，規樣好好！

甲：聽講，汝最近誠無閒？

乙：有夠閒，閒假睷無眠！

甲：春眠不覺曉，處處聞啼鳥；莫非汝是，夜來蠓仔砵砵攢，失眠惹神強強欲起痾，工課報銷全攏去了了！

乙：非也！非也！隔壁阿婆也生一个囡，半暝貓吼著生驚，膾食膾睷

吼大聲，害我反來反佻去閃著尻脊骹。

甲：阿婆會生囡？我佻天落紅雨，馬發角咧！

乙：天下事無奇不有，一隻蟲母都聽好謗假水牛大。

甲：聽汝咧臭誕！

乙：我問汝，天有偌大，地有偌闊？

甲：天有三十三重天，地有十八層地……。

乙：唔對！天頂天公，地下母舅公。天公上屈大汝都唔知！

甲：汝這是竹篙鬥菜刀，鬥假花膏膏。無，關公較大抑是天公較大？

乙：雞屎兮個小弟～加問的！當然嘛是天公！

甲：欸！關公「義薄雲天」，比天較懸，定著是比天公較大則著！

乙：啲！烏斫仔貯豆油，有影無底（地）看！汝亦會練？！

甲：無定著、無的確、無一定、無張持、無斟酌，無……，無汝講。

乙：啊汝……，我真正是「剃頭店關門～無理髮（無汝法）」！

甲：一皮天下無難事，一個人無雙重才，一聲唔知，百項無代。嘿、嘿、嘿！

乙：佻嘿！一句講都膾曉話，也想欲剖佛拜雞？

甲：汝唔則是三講四落氣，若欲講著……。

乙：無，我問汝。

甲：據在汝問。

乙：汝較愛阿爸抑是較愛阿母？

甲：來些套。我攏愛！

乙：無可能，一定有加減、分大細。

甲：人阮無！

乙：騎車摔落去會按怎？

甲：阿娘喂！犁田，烏青兼凝血。

乙：行路觸著石頭，跋一倒。

甲：阿娘喂！會疼。

乙：乖，跋一倒，扶一隻鴨母，阿娘共汝 hu¹-hu¹ 咧！

甲：共我偏，汝嘅是阮阿娘！

乙：聲聲句句叫阿娘，佢講無分？

甲：有影呢！益是阿娘較好！按爾……。

乙：三國的劉備汝知否？

甲：願聞其詳！

乙：劉備生做七尺五寸懸，兩蕊耳仔垂佇肩胛頭，雙手長過跔頭跌，目睭看會著家己的耳仔。

甲：雙手長過跔頭跌？猴嘅則按爾！

乙：所以啊！嘅則懸懸抱起來，園落去拄好佇塗跔，平安無代誌。

甲：咳！假影做一个樣，騙食騙食喔？

乙：騙鬼司功，白賊戲，欺騙社會。

甲：講著騙，白賊七也上厲害，伊騙……。

乙：廖添丁佢較厲害，武功蓋天下，會飛天，會鑽地。

甲：敢會曉氣功？

乙：有一每伊佢人比吓痰瀾，待佇淡水向南一下吓。

甲：按怎？

乙：當迄个時陣，佇迄个坎站，sut 一下隨無看見影。

甲：走去佢位？

乙：眾人緊做伙落南去揣，行七暝七日到恆春則揣著。

甲：即厲害？

乙：算算咧，總共貫過三萬六千樣的樹仔，一空一空看現現。

甲：阿娘喂！佳哉無傷著人！

乙：知驚就好。

甲：做戲恠，看戲戇，講假喙角全全波，這，恁敢欲信？

乙：緊來去走，嬲佇茲咧顧人怨！

甲：是，飯會使濫糝食，話嬲使烏白講，不才 XX。

乙：到今汝則知，另工則佢來，在下 XX。

合：落臺行禮。再會！